

**EBT TSIS TAU THEM NQI TSHAJ NTXIV – KEV PAB FAJ NYIAJ NCAJ QHA**

Koj tuaj yeem tau txais koj cov nyiaj ntsuab pab dawb (Cash aid) los ntawm EBT lossis kev faj nyiaj ncaj qha; nws yog kev xaiv ntawm koj! Qhia rau tus neeg ua haujlwm ntawm koj lub zos seb koj xav txais cov nyiaj ntsuab pab dawb (Cash aid) licas.

Koj tuaj yeem hloov ntawm EBT mus rau kev faj nyiaj ncaj qha lossis hloov ntawm kev faj nyiaj ncaj qha mus rau EBT raws li qhov koj nyiam. Qhia rau tus neeg ua haujlwm ntawm koj lub zos thiab lawv yuav qhia rau koj. Yog koj tsis tuaj yeem siv daim npav EBT lossis ib feem ntawm cov txheej txheem EBT vim yog xiam oob qhab, tsis paub lus zoo, tsis paub nkag mus siv tau, lossis lwm yam kev tiv thav, qhia rau tus neeg ua haujlwm ntawm koj lub zos thiab lawv yuav txiav txim seb koj puas tsim nyog tau txais cov nyiaj ntsuab pab dawb (Cash aid) rau lwm txoj hau kev.

Yog koj txais koj cov nyiaj ntsuab pab dawb (Cash aid) rau hnuv thib ob lossis hnuv thib peb ntawm lub hlis, tej zaum koj yuav tau txais cov nyiaj ntsuab pab dawb (Cash aid) rau thawj hnuv ntawm lub hlis yog koj tsis txawm peem. Qhia rau tus neeg ua haujlwm ntawm koj lub zos tias vim licas koj thiab yuav tsum tau txais cov nyiaj ntsuab pab dawb (Cash aid) rau thawj hnuv ntawm lub hlis. Yog koj txais koj cov nyiaj ntsuab pab dawb (Cash aid) ncaj qha los ntawm kev faj nyiaj, koj yeej yuav tau txais koj cov nyiaj ntsuab pab dawb (Cash aid) tas li rau thawj hnuv ntawm lub hlis.

Yog koj muaj cov nyiaj ntsuab rau ntawm EBT raug rho tawm hauv koj tus as-qhauj vim raug nyiaj thiab koj yeej nqa koj daim npav EBT nrog koj thaum lub sijhawm raug nyiaj ntawd, hu xovtooj rau (877) 328-9677 kom lawv thim koj daim npav EBT kiag tam sim ntawd thiab hu rau koj tus neeg ua haujlwm ntawm koj lub zos. Yog raug raws li tshooj cai tej zaum lawv yuav them cov nyiaj rov qab rau koj.

Nco Ntsoov: Cov nyiaj pab ntawm CalFresh tsuas muab tso rau hauv koj daim ntawv EBT thiab koj yeej tsis tau them nqi dab tsi thaum koj siv cov nyiaj ntawm CalFresh yuav khoom noj.

Cov ntaub ntawv nyob hauv qab no yog hais txog EBT thiab kev faj nyiaj ncaj qha uas yuav pab koj xaiv seb koj xav txais cov nyiaj ntsuab pab dawb (Cash aid) licas.

**YOG KOJ XAIV EBT**

Koj tuaj yeem tau txais cov nyiaj ntsuab pab dawb los ntawm kev rho nyiaj hauv cov tub ATMs thiab thov kom lawv thim nyiaj ntsuab rau koj thaum koj siv yuav khoom ubno.

Koj tuaj yeem rho cov nyiaj ntsuab tau **DAWB** plaub zaug hauv ib lub hlis raws cov tub ATMs uas muaj daim paib MoneyPass. Tomqab koj rho nyiaj lwm thib plaub hauv ib lub hlis twg, kev rho nyiaj hauv lub tub ATM txhua zaug koj yuav tau them tus nqi 80 xees. Kev nrhiav qhov tsis tau them nqi tshaj ntxiv ntawm MoneyPass ATMs mus ntawm [www.moneypass.com](http://www.moneypass.com). Tej zaum yuav tau cov nyiaj ntsuab thim rov qab thaum koj them yuav tej yam tau **DAWB**, kuaj xyuas nrog lub chaw muag khoom.

Kev rho nyiaj txhua zaug ntawm cov tub ATMs uas tsis muaj daim paib MoneyPass koj yuav tau them tus nqi rho nyiaj yog \$4 lossis ntau dua. Cov nqi no yuav raug muab tso ntxiv rau sai sai.

Yog tsis muaj lub tub ATM uas muaj daim paib MoneyPass nyob ze ntawm koj, nrhiav lwm cov tub ATMs uas koj rho nyiaj tau dawb. Mus saib ntawm [www.ebtproject.ca.gov/Library/Cash\\_Access.pdf](http://www.ebtproject.ca.gov/Library/Cash_Access.pdf) nrhiav cov npe ntawm **cov tub ATMs uas tsis tau them nqi tshaj**.

Yog koj ua koj daim npav EBT poob lossis muaj ib tug neeg nyiaj, hu rau lub chaw pabcuam tswvcuab rau ntawm (877) 328-9677 kiag tam sim ntawd. Ib tug neeg sawv cev ntawm lub chaw pabcuam tswvcuab yuav los thim koj daim npav EBT thiab pab ua ib daim tshiab rau koj. Yog cov nyiaj raug nyiaj los ntawm ib tug neeg ua ntej koj hu rau lub chaw pabcuam tswvcuab, peb yuav tsis them cov nyiaj no rov qab rau koj.

Yeej teev tseg cov ntaub ntawv kev siv daim npav EBT ntawm qhov chaw uas koj siv koj daim npav rho nyiaj ntsuab thiab siv them yuav khoom ubno, tab sis nws yuav tsis teev tseg txog yam khoom koj yuav. Koj tuaj yeem mus saib koj cov nqi them yuav khoom los ntawm hu xovtooj rau (877) 328-9677 lossis mus saib koj tus as-qhauj EBT, mus hauv online rau ntawm EBT Tus Neeg Qhua lub Website. Tsim ib lub npe siv thiab cov nab npawb zais rau ntawm [www.ebt.ca.gov/caebtclient/clientcreate.recip](http://www.ebt.ca.gov/caebtclient/clientcreate.recip).

**YOG KOJ XAIV KEV FAJ NYIAJ NCAJ QHA**

Koj tuaj yeem tau txais cov nyiaj ntsuab los ntawm kev rho nyiaj hauv cov tub ATMs ntawm lub tuam txhab nyiaj thiab thov kom lawv thim nyiaj ntsuab rau koj thaum koj siv yuav khoom ubno.

Tej zaum koj yuav thim tau cov nyiaj ntsuab tau **DAWB** rau tom koj lub tuam txhab nyiaj cov tub ATMs; kuaj xyuas nrog koj lub tuam txhab nyiaj. Tej zaum yuav tau cov nyiaj ntsuab thim rov qab thaum koj them yuav tej yam tau **DAWB**, kuaj xyuas nrog lub chaw muag khoom.

Kev rho nyiaj tawm ntawm cov tub ATMs uas tsis yog koj lub tuam txhab nyiaj li, koj yuav tau them tus nqi rho nyiaj \$4 lossis ntau dua rau kev rho nyiaj txhua zaug nrog rau tus nqi uas tej zaum koj lub tuam txhab yuav tau them. Cov nqi no yuav raug muab tso ntxiv rau sai sai.

Koj tuaj yeem nrhiav koj lub tuam txhab nyiaj cov tub ATMs los ntawm kev hu xovtooj mus nug tom koj lub tuam txhab nyiaj chav pabcuam neeg qhua, mus saib hauv lawv lub website lossis siv koj lub xovtooj ntawm tes rub lawv daim ntawv thov.

Yog koj ua koj daim npav ATM poob lossis muaj ib tug neeg nyiaj, hu rau koj lub tuam txhab nyiaj kiag tam sim ntawd. Koj lub tuam txhab nyiaj yuav thim koj daim npav thiab xa ib daim tshiab tuaj rau koj. Yog ib tug neeg nyiaj thiab siv koj daim npav, tej zaum koj yuav poob ib co nyiaj lossis cov nyiaj raug siv tag. Hu rau koj lub tuam txhab nyiaj yog xav paub ntau ntxiv.

Koj lub tuam txhab nyiaj yeej teev tseg qhov chaw uas koj siv koj daim npav ATM rho nyiaj ntsuab thiab siv them yuav khoom ubno. Koj tuaj yeem saib xyuas koj cov ntaub ntawv siv nyiaj hauv lub hlis los ntawm kev mus saib hauv koj lub tuam txhab nyiaj lub website lossis hu xovtooj mus thov tom koj lub tuam txhab nyiaj chav pabcuam neeg qhua.

**Thov nco qab ntsoov khaws koj daim npav ATM thiab koj daim npav EBT cia kom zoo thiab tsis txhob muab Tus Kheej Tus Nab Npawb Npav (PIN) qhia rau ib tug neeg twg li.**